




322  
291



始









322-291



宮原民平編

支那時文一斑

東京文求堂刊行

大正  
10 4.15  
内交



序

舊時に時文と稱したるは科擧に用ゐたる八股文のことなれど、今は現代實用漢文を俗に時文と謂ふ、支那に於て、語らるゝ支那語(北京語、廣東語)は地域によりて流通せざる不便あれど、讀まるゝ支那語(時文)は全國同一なり、支那語を學ぶ者若し語らるゝ支那語のみを重しとし、讀まるゝ支那語を疎かにせば、船を舫らんとして帆を設くるに巧にして舵を操るに拙きと一般、未だ完全なりと謂ふべからず。

本書は専ら初學者の教本として編成したるもの



にして、之を六編に分ち、第一編に各種廣告類、第二編に記事隨筆、第三編に規則、第四編に公文書電報類、第五編に通信文、第六編に商業用文件類を收め、別に附編に掲示用語若干を例示せり、想ふに時文の大體は之に依つて窺ふを得べき歟。

本書に記載せる文章は必ずしも名文に非ず、時に或は拙劣なるあり、文字の俗用等も少からず、空疎なる美辭を聯ねて實際の用に缺くるものは其の價値乏しとす、たゞ拙劣と謂ひ俗用と謂ふも自から程度あり、みだりに支離なるを容さず、此等の點は之を講

ずる者之を學ぶ者と與に宜しく意を致して考究すべきなり。

大正十年四月

編者識



支那時文一斑

宮原民平編

○第一編  
第一

本報前因內部改革特停版一星期今諸事均已就緒訂  
於本月十日起繼續出版特此通告 ○○報館啓

第二

啓者本處因房屋狹隘不敷辦公之用茲于陽歷九月十  
五日改租東四牌樓北汪芝蔴胡同路北九號民房辦公





恐未週知特此佈告

清理官產處啓

第三

今有法國府武參贊葛先生日內回國所有傢俱一概出售價值便宜如欲購者請于本月八九等日到法國府武參贊處面議可也

第四

現有吉房一所大小四拾間座落順治門內象來街東頭路北門牆戶壁修齊清潔租價格外從廉如看視合意須取妥實鋪保方議承租特啓

第五

新建洋式瓦房一所座落崇文門大街裱褙胡同路南門

牌四十號客廳飯廳臥房汽車房洗澡房廁所各房自來水管並電燈俱全中西官紳住宅公事房均屬合宜願租者請駕臨本行面商可也

第六

逕啓者本年六月爲民國三年內國公債第一次給付利息之期本銀行特爲利便持票人起見先期貼付民國三年內國公債息票利息格外克己凡有此項息票願貼現者請駕臨本銀行面洽可也  
交通銀行謹啓

第七

本路唐山製造廠積存大小各種空煤油桶甚多現擬出售如有願購者可到唐廠驗看存貨備具標函指明所用



油桶種類承購數目出價若干用信封封固並加火漆印  
外面書明標呈京奉鐵路管理局局長收啓字樣送至本  
局定於十一月五日開標此佈 京奉鐵路管理局

第八

本場現擬改築溫室花洞所有圖樣做法存本場庶務科  
各商人如有願意承攬此項工程者望于五月二十四日  
起至五月二十九日爲止先行來場接洽估價以便定期  
投標此白 農事試驗場啓

第九

本部夏季涼棚向由各商投標承搭刻屆投標之期望各  
棚商於五月十二日上午十一鐘即陰歷三月二十九日

前來本部丈量尺寸於十五日即陰歷四月初二日攜帶  
蓆樣來部投標此白 外交部白

第十

敬啓者敝天津行日前(十九日)早五句鐘失慎致將大樓  
焚燒當蒙駕臨慰問銘感無似因恐致謝不周謹登報端  
以鳴謝悃 ○○洋行啓

第十一

本路於每日尋常快車加掛臥車一輛凡頭等搭客需用  
床位及臥具者另須購床位票一張原定價洋五元茲於  
十二月十五日起將此項尋常快車床位票改減爲每張  
洋三元以廣招徠特此廣告 ○○鐵路管理局



第十二

本所購買材料物品均係按照時價實用實銷並無分文回扣折頭以及底錢門錢等類名目倘有此等情節被索各店號速行告知本所查究凡與本所交易各店號務須核明公平實價登列單據以憑報銷否則予受同科一經查出決不能代為隱匿也特此聲明

農商部權度製造所

第十三

啓者本路因整頓車站秩序起見曾在北京前門車站建造木棚十二間專備各棧棧夥駐棚接待搭客之用已於本年五月規定簡章實行並經登報廣告在案現查前項

木棚每間每月租金四元未免過昂殊非體恤各棧商之道自即日起每間每月減收租金二元木棚有限各棧商務須趁早承租幸勿遲疑自誤至一切招租簡章悉照上次規定辦法辦理此布

京漢鐵路管理局啓

第十四

本公司歷年所織純毛衛生衣袴襪子手套圍巾等項煖如狐貉輕若絮綿久蒙各界採用際此歐貨停輸外來本品尤爲缺乏茲特備料加工已將各品製齊并製軍用手套防寒套帽定期不悞以待愛國諸大先生倍舊購用焉

○○公司

第十五

敬白



敬啓者本公司訂於陽歷十一月九日下午二鐘舉行股東常會並於是日選舉董事須照本公司章程整股二百股票面載有股東姓名者可被選爲董事會場設在天津海大道法租界本公司事務所祈有股諸君惠臨是盼並於會期前五日攜帶股票或息單送本事務所驗明填給入場券屆期持券蒞會集議如未經先期填取入場券者恕不接待謹啓

○○○公司啓

### 第十六

本公司稟經農商部第八〇二號批准立案資本金額共爲五百萬元以通融資金應募債票承辦調查各種企業爲營業如有政商各界委辦各項實業借款等事均可承

辦本公司聘有專門礦師可以代爲考驗各地礦質及一切開鑛計畫倘蒙惠顧議商辦法請駕臨前門內化石橋東本公司總行接洽可也  
又本公司在上海香港路設有分行有欲商各項事業者祈就近至上海香港路中日實業公司分行面議

中日實業有限公司謹啓

### 第十七

敬啓者寒舍被竊失去通惠實業公司地字一百零六號至一百零八號景記抬頭股票息摺三份共計股本洋三千元除已報明總公司取銷作廢另給新號股票息摺并咨各分公司及代理發息各銀行接洽作廢外特此登報



奉申中外各界人士如遇上項股票息摺即請視為贓物  
切勿收受免被欺蒙此啓

第十八

近來將夏季所售之貨如衣衫粉飾品等均按減價八扣  
出售無物不價廉物美請諸君即時駕臨敝行挑選其所  
欲莫失此良好機會是幸

第十九

啓者本行特製醫生牌臭虫藥粉者原料皆用高等新鮮  
藥品配合效力猛烈殺蟲極廣比他藥大不相同請爲試  
之方知言之不謬也

第二十

舊鑄字機每字出爐之後尚須鏟邊磨身齊頭鉤底每機  
器二架每日用工人六名平均可出鉛字一萬四千枚此  
機係美國最新之式字一出爐光潔平正即可排版無須  
再加人工如用電氣運動只須一人管理每日可鑄字一  
萬五千餘枚即可抵舊機二架之力既可省工省煤復不  
佔地如各地報館及印刷局欲購用者本館當格外克己  
以答 雅誼

第二十一

衛生治療新書

社會文化日進衛生尤爲重要况近來傳染病發生愈多  
凡家庭防病治病之方法宜人人略知大意庶不至倉卒



誤事本館特編是書搜集東西名著門分類別區爲衛生  
治療二篇以備家庭普通衛生及應急時檢查之用

### 第二十二

奉送洗眼藥水

此藥水係祖傳秘方虔製專治爛眼皮紅腫流淚發癢畏  
明凡一切眼疾經洗數次當能見效敝祖累世施送已二  
百餘載茲因未能惠及遠處同胞自登報日起奉送二個  
月函索卽付一瓶須付郵費二角五分過期無效因存藥  
無多新藥須待來年夏至後方能做成故也住址山東日  
照縣臬陸鎮漢鱗書收

### 第二十三

清血丸自發售以來十餘載矣凡經服過者莫不交口贊  
揚得以遐邇聞名傳播中外屢有不肖之徒見清血丸盛  
行於世以清血字樣襲名仿造依樣同音僞貨冒充賜顧  
悞購他種頂替劣藥服之不但無益且與身體有害然藥  
性一端購時必須慎重其中失之毫厘錯之千里實有天  
淵之別成敗之舉本醫士今特詳細聲明賜購認明雙地  
球牌清血丸方不受無恥奸輩朦騙也

### 第二十四

啓者本院尚治各種急性傳染病症開辦以來頗著成效  
刻下力求進步特加改良備有清潔病室多間診斷治療  
無不合法飲食調護無不周到且不定時間隨時皆可住



院診治本院係由市政公所設立故病人住院醫藥飲食概由本院供給並無掛號零星等費備有特別馬車一輛專為接運病人之用如有患下列各症者速請警區報告或由電話通知本院即派馬車往接且因本京地方天花症發見頗多本院備有新鮮牛痘漿隨時施種不取分文茲將本院主治各症列下 虎列拉、發疹替扶斯(瘟疹)、痘瘡(天花)、猩紅熱、白喉症、底扶帖利亞、配斯特(鼠疫)、腸替扶斯及帕拉替扶斯(傷寒)、麻疹(疹子)、赤痢及其他各種急性傳染病症、再者刻在十一條胡同西口添設普通診療所一處專治內外科一切病症凡來所就診者分施診速診二種施診只收號金銅元六枚餘費免收每日以五十名

為限速診收號金銅元二十枚餘費從廉收取隨到隨診自十月一日起每日上午八時至十一時星期日照章停診恐未週知特此廣告

京師傳染病醫院

### 第二十五

本行於歐洲諸國戰爭以前已運到大宗食物來京足可供給賜顧諸君常用萬無短少之患也如各樣紅酒白酒香冰酒三星白蘭的、酒青島啤酒、站人啤酒等並有大小法國黃油、蘭牌站人黃油、丹國黃油、站人生奶、方糖、咖啡等等皆堆積如山零整批發價值格外從廉諸君切無失此良好機會也

○○洋行主人啓

### 第二十六



啓者本行自道光十五年創設中國至今八十餘載中外馳名本廠自造之表無不精益求精頗受世界歡迎竟有無恥之徒假冒本牌字號魚目混珠今將本牌戳記登報衆覽以便週知今又運到各種金銀時表座掛洋鐘襪貨眼鏡馬牌呂宋香烟並修表用各種器俱及材料等一概發莊本行設在北京東交民巷御河橋西路南匯理銀行西隔壁胡同內電話東局九百四十一便是

### 第二十七

本號向在天津開設數十餘年專辦洋廣雜貨價值公道貨色鮮明久蒙各界諸君歡迎稱許今特設支店於京都俾便諸君下顧焉現新到各色貨物列下

各種洋酒 廣東雜貨 各樣餅干 鹹魚海味  
絨襪手套 罐頭食物 各色絨線 一概俱全

### 第二十八

中央公園新增電影并設露天坐位通告

敬啓者現在天氣酷熱銷暑迎涼實以公園爲最茲特於社稷壇前殿暫設夏期電影數月聊備游人消遣之資自七月四日起業已逐晚九時開演十一時半停止風雨無阻所有影片均係最新之長片京師向未演過頭等每人收費大洋五角二等每人收費大洋三角小孩僕從減半現准於本月十五日起每日下午四時至六時加演一次并於殿前設有露天坐位藉供公衆之娛樂特此通告尙



希公覽

第二十九

今晚所演打獵新片係一印度人在王公花園內偷打野獸其中詳細奇怪情形筆難盡錄此乃北京從未演過務請各界諸君一觀爲快(加演)趣笑影片、椅子跳舞、棄舊換新、尋媽、遊俄境、牙醫、共計長三千餘尺

第三十

本公司於一千九百十二年設立中國北京上海煙台等埠承辦治浚河海修造鐵路以及自來水電車一切實業工程本公司均能担任墊辦包辦分年還款無不克己商量特聘歐洲著名工程師多員無論何項工程均能籌畫

現請陳錫周君爲敝公司中國總經理如各省政界商界有應興辦實業工程均可効勞遇有下詢事件敬祈隨時賜函北京亮果廠二號或天津英界四十四號總經理處以便接洽爲感

第三十一

敬啓者本公司股息前已發至庚戌年七月底止旋因辛亥兵燹損失太鉅市廛零落營業又極淡薄兼以修補支持愈形困難以故六年於茲股息無從應付幸經公司將財產上所損失者節節修復已於前年一律完全有餘並設法擴充上年營業卽獲進步今春正擬招集股東大會適值南北政爭武漢大軍雲集風鶴頻驚以致開會之舉



末便率行擬俟國事和平地方安靜仍當續行開會茲特  
變通辦理先將丁巳年股息提出准於本年舊歷十月十  
五日起在漢口英界一碼頭本公司內一律照章給發並  
附發收支清冊以資核閱屆時即祈各股東攜帶股票息  
摺至本公司支取爲荷  
漢口既濟水電公司謹啓

### 第三十二

通豐證券交易所廣告

本所呈蒙財政部批准立案開設天津日本租界旭街三  
號專辦各項有價證券之賣買及代人經紀此項賣買分  
別現款交易定期交易兩種辦法所有本所成立之賣買  
應於兩方各取其價額千分之五爲用費并須照印花稅

規則貼用稅票凡紳商各界如有願購買或出售各種公  
司股票及各項有價證券者皆可向本所掛號本所隨卽  
代登天津商報以廣招徠本所辦公時限除星期休息每日  
上午十鐘至十一鐘下午二鐘至四鐘自當格外招待特告

### 第三十三

啓者驟馬市大街永順米莊舖底經該舖東倒與鄙人管  
業該號如有存欠賬目暨作保水印等事均歸該舖東夥  
自理與鄙人無涉特此聲明  
○○○白

### 第三十四

先考天池府君於本月二日棄養生前在華安合羣保壽  
公司投保壽險七千元該公司聞報後立將賠款七千元



由總經理梁仲爲君如數交鄙人親領足徵該公司營業  
信實辦事敏捷無任感佩謹登報端以誌謝忱

棘人陸敬熙

### 第三十五

一現本處於漢口江岸車站碼頭有拋石填堤工程如各  
承辦人願承包者均須於陽歷十月一日星期二齊集漢  
口江岸工務段長辦公室公同投標、自本月十日星期  
二起每日上午十時至十二時各承辦人可隨便到段長  
處詢取關於此項工程之圖件及估價標單以便該段長  
得於此時將所有工程及辦法一切情形告知承辦人、一  
承辦人應依照本處發給之標單格式註明每方價目他

如分計合計毋庸填註、一標單須填具同樣兩份其中如  
有不符及價目漏填或錯誤之處作爲無效惟此項標單  
切實密封妥貼以一份准於十月一日十一時由該承辦  
人或承辦之代表人賚交該段長親收另一份則於開標  
前一日由郵局掛號寄交京局本處查收以憑核對該段  
長俟屆以上指定時間即行當衆開標如有標單逾期繳  
到或未到指定鐘點先行投遞者一律作廢、一開標後得  
標之承辦人應於合同簽字之日繳納押款洋一千元其  
所工程當俟合同核准並接到本處段長函知後可開辦、  
一合同規則照本局向章訂定 京漢鐵路工務局

### 第三十六



敬啓者宦此次奉命入蜀辱承雅教殷拳盛情餞送私衷  
感愧至於無極刻因公事忙迫即日就道行期匆促未及  
徧辭謹鳴謝忱統乞亮鑒

第三十七

啓者鄙人向充長辛店京漢鐵路車務處司事前者於去  
年九月曾遵本路定章售過鄭文成君叫貨一次現被長  
辛店民楊麻子誣爲私自售與伊某已經成詞謬葛不清  
乞請鄭先生見報速臨車務處爲之證明以雪鄙人冤抑  
而全名譽決無牽連來往路費由鄙人擔任 ○○謹啓

第三十八

學熙幼承庭訓長入仕途請託包苴夙所戒絕就任之始

曾以此意通電財政部所屬各機關並刊登公報布告在  
案乃聞不肖之徒猶有假託學熙名義在外招搖收受禮  
物人情詐僞殊堪痛恨今特再行聲明如有上項情事准  
其舉發扭送就近警廳究辦如或甘受其愚一經發覺予  
受均罪務宜同深懍戒實所盼幸

周學熙啓

第三十九

小兒柳其唐號伯樹年二十五歲廣東新會縣人於民國  
六年十月由京回粵迄今未見踪跡伏乞仁人君子知其  
生死確實下落向鄙人報知者謝花紅銀五十兩若尋得  
其人果係生存帶至敝處者謝花紅銀二百兩決不食言  
並無追悔佇候好音不勝翹企

某處某啓



#### 第四十

直隸公立醫學專門學校招生廣告 報名日期自六月二十八日起至八月二日止，考試日期八月三日在本校分科試驗，報名地址清苑縣北關外本校，考試科目國文英文或德文理化數學，投考資格中學校畢業及與有同等學力者，報名手續報名時隨繳畢業證書及半身脫帽四寸像片併繳試驗費一元，取錄者扣作學費，不錄者概不發還，畢業年限四年，在學費用學費全年二十元於每學期之始分期繳納膳費每月三元於每月始交納其餘書籍及一切雜費概歸自備

#### 第四十一

#### 交通銀行廣告

本銀行自前清設立以來至今已越十年，額定資本金庫平銀一千萬兩，實收五百萬兩，合銀元七百五十萬元，歷年公積銀元三百二十二萬三千八百二十八元三角八分。總行設在北京，各省所設分行計七十餘處，國外分行三處。此外另有代理及兌換機關多處，專辦各項匯兌活期定期儲蓄存款抵押放款貼現期票代收客票及其他匯業實業等銀行一切業務，並奉政府特許有發行鈔券代理國庫及經募公債等特權。凡與各界交易無不格外克己，一切往來手續均照商界習慣辦理，所取匯兌等費尤為公道，發行鈔券準備充足，兌換便利，凡公款出入完



糧納稅發俸放餉商場交易以及應付輪船郵電各費一律通用茲將本行總分行地點開列於左（地名畧之）

#### 第四十二

陸軍第七混成旅唐旅長駐防湘潭紀律嚴明秋毫無犯數月以來勤勞卓著日惟訓練夜則巡查盜賊斂迹人民安堵洵爲有勇知方儼若長城之屹立且遇事體恤商民尤爲無微不至茲當奉調移防商民感戴之餘彌切去思用登報端以誌嚮慕  
湘潭商民公啓

#### 第四十三

先嚴繡章公不幸於三月念五日病逝所有生前爲人担保事情自今日登報聲明概行取銷均歸無效倘有未經

週知者光宗不能負責特此登載大陸中西公論三報聲明伏希垂鑒不勝銘感  
某謹登

#### 第四十四

本館運售英美原版書籍歷十餘年素承學界推許現值金價日落之時本館爲報答惠顧諸君厚意起見特議定自即日起將從前所定外版西書價目大加減削從前所編外版西書目錄亦重行編製在新編西書目錄未出版以前所有歐美原版西書價目照舊刊目錄約減五分之一即前售一元者當改爲六角前售五角者當改爲三角餘可類推學校及批發仍格外優待另給折扣庶幾書價既廉購書愈易而歐美諸國最新之學問藝術亦得以源



源輸入或於吾國學術前途大有裨益本館亦藉以盡補助文化之責任當亦為學界諸君所深許也

#### 第四十五

本雜誌出版以來介紹世界各種新知識為職志頗為社會所不棄銷行逾萬自歐戰以來世局丕變社會之組織政象之趨勢以及文學科學工業藝術種種皆非常進步大有一日千里之勢同人愧學識之綿薄懼任荷之弗堪無以饜讀者之期望所希海內外宏達大發願力與以匡扶時錫偉論灌入新說本雜誌得任發表轉輸之責亦預有榮幸焉

一、投寄之稿或自撰述或翻譯外國文著作或輯譯外

國文而附加意見均無不可

二、投寄之稿望繕寫清楚以免錯誤能依本雜誌行格繕寫者尤佳如係譯稿並請附寄原本

三、稿末請注明姓名住址以便通信至揭載時如何署名聽投稿者自定

四、投寄之稿無論揭載與否概不檢還惟長篇之未經揭載者得因豫先聲明寄還原稿

五、投寄之稿俟揭載後酌致薄酬如下

(甲) 撰稿每篇現金十元至五十元。

(乙) 譯稿每篇現金五元至三十元。

(丙) 短篇著譯酌酬現金及書券或本雜誌



- (丁) 尤有關係之稿特別從優議酬
- 六、投寄之稿經揭載後其著作權為本社所有但本社尚未揭載而先在他處發布者恕不致酬
- 七、投寄之稿本社得酌量增刪之但投稿人不願他人增刪者可於投稿時豫先聲明
- 八、投稿者請逕寄上海寶山路商務印書館編譯所內
- 東方雜誌社收
- 東方雜誌社謹啓

第二編

第一

昨日之國務會議紀要

日昨(十九)為星期六國務會議之例期錢代總理到院較早各國務員除陸軍段總長在病假中外交陸總長因公府讌請外賓須到居仁堂預備招待未能到會外其餘均於上午九句半左右先後到齊旋即開議所有較重要之議案一為取締水火人壽保險公司條例案查此條例內容計四十條之多討論結果尚有未盡妥善之處決議交由農商司法兩部會同核議簽注轉送法制局修正再行送回覆議一為海軍服章條例結果已照原案通過一為



徵求加入歐戰議和案查此案係由總統交下說帖令議成以關係綦爲重要討論頗久結果交由外交部國際政務評議會和議籌備處三機關會同悉心籌議各加簽注再行交回覆加討論以便呈覆總統此外尙有任免官吏照例通過其餘普通案及軍事財政案之次要者各一二件均未及議蓋以公府之讌閣員須於正午十二時以前趕到陪讌乃於十一時四十餘分卽行宣告散會

## 第二

前此中日交涉日本政府出此過分之要求卒使兩國感情大壞此種舉動在吾國國民固屬忿切痛深卽在日本方面事後追思亦有自覺不宜者故自條約成立後彼邦

人士至謂此次外交爲日本之失敗蓋深知吾國人民惡感既深足使其各方面之經營頓生莫大之阻碍其實實際上所得利權與因此發生之無形損害二者得失正恐未能相償也因是邇來彼邦人士對於調和感情一事皆視爲今後中日關係上一樁絕大之問題觀其數月以來之態度其對於我國雖仍不免有無理取鬧過度爭持之舉動而其中高矚遠瞻之士則多提倡中日親善之論調卽在重要地位之人亦多注重於感情之恢復日昨陸公使有電來京略謂前外相加藤高明氏近來爲調和中日感情起見現發起一會名曰中日親睦會云云案加藤氏原爲中日交涉主持之人其手腕之辣惡早與吾人以最深



三六  
之記憶此會之發起亦必有深意決非如尋常無意識者之所爲然就東亞大局言中日親睦原極爲重要此會之發起原爲吾人所最歡迎惟日人故習常口倡親善而實際上轉多反對之行爲口惠實違終難得精神上之效力當此感情背馳之際爲日本計尤宜出以至誠表真正親善之態度以期國際關係之圓融而爲東亞前途開無疆之福利加藤此舉不知已否見及於斯或不至復如前此之虛聲親善則東亞之幸矣

### 第三

國體改變問題之最近要聞

四日上午十一時公府蕉雨軒舉行會議主席者爲代國

務卿陸子欣土卿列席者七人均係外交界重要人物並有洋顧問數員所議者係以國體事件日英俄三國公使已有勸告雖已作詳細之答復然外人注意此事已可想見則將來辦理國體事宜於各方面均應慎重着手至對外交涉持行一定宗旨無論如何疑難其答復言詞中不得違反民意至地方上之維持另有責成也遂散議  
特交陸氏之手函 政事堂人云陸國務卿昨於下午曾奉大總統特交手函一件探其內容略言國體解決爲期已迫所有應行籌備各政至爲重要應迅即趕辦於二十日以前一律解決倘於事實上不能辦到者即於初五日以前爲詳細理由之聲明以便另定變通之手續云



東海近日之起居 近日各界有傳徐相將赴津養病者  
唯徐與大總統關係至爲密切雖以病偶乞休假何至遽  
爾置身事外聞徐相已決定于京寓過冬赴津之說當然  
無此事實故日來相國在廡屏絕賓客每日以詩字消遣  
間或與摯密僚屬相聚談話以資疏盪惟對於國事尙極  
注意按日仍將政府公報及中外重大新聞擇要披覽藉  
以察知近狀云  
自預備改革以來各省將軍巡按使對於總統稱帝自稱  
臣者頗不乏人總統嫌其過早特交令政事堂轉飭各大  
員知照原令云迭接各省來電有稱帝稱臣字樣以予不  
德無補國家推戴之來何敢當此行將以區區素懷瀝述

于國民且予從政前清同僚多屬比肩何敢受臣下之稱  
且國民代表大會投票總數尙未報齊改變國體亦未實  
行萬勿稱帝稱臣使予愈抱不安也

#### 第四

十七日日本公使日置君乘馬參觀祀孔路經安定門內  
大街兎兒胡同因馬驚墜地跌破頭部並跌傷足部現在  
使署內由日本平賀軍醫調治大約頭部之傷四日後可  
望愈可足部之傷須要二星期方能奏效聞擬另派人代  
該公使辦理交涉云

#### 第五

頃據政界消息東海昨日特囑錢幹臣內務總長以私人



名義電邀陸子欣外交總長早日回京面商某項外交問題頃聞陸外長除覆錢內長一電外并有電逕呈東海准予日內返京面聆訓誨云

#### 第六

規定支出之標準 政事堂現已將明年一月至六月中央政費之支出數目釐定標準列入國務會議討論聞此次所擬數目係按四年分之支出又加核減至將來國體確定後未知仍有變動否如是所聞姑誌以覘其後

#### 第七

閩督電留林炳章清理交代 福建財政廳長林炳章先經明令調京遺缺以費毓楷署理聞日昨李培之督軍有

電至京以林應行交代及須清理事件太多必俟費到任後接收清楚乃可令其離閩調京一節請暫從緩云云

#### 第八

新大總統就職詳情 中華民國第二任正式大總統於國慶日行就任典禮是日天明氣清風日和麗步軍統領警察廳各軍警於清晨六時即在禮輿經過各地方分辦道差大總統於八時十分自五條本邸出門服燕尾服佩帶勳章未乘公府所備禮輿仍用自宅汽車承宣處翊衛處衛侍武官處各員分乘汽車在前後護衛由新華門赴寶光門入大禮堂馮前總統及兩院議長國務員特任官均在門內迎候兩大總統登堂向國旂行禮並致頌詞答



詞畢大總統卽送馮前總統至居仁堂在休息室稍坐略談馮前總統告辭出府於是交代禮畢大總統重赴大禮堂行宣誓禮兩院議長議員前立文武各官後立計左右各分十六排因人多地隘未能按班次站立大總統誓詞如左

余誓以至誠遵守憲法執行大總統之職務謹誓

宣誓畢各員覲賀行三鞠躬禮大總統乃出宣言書朗讀聲音宏亮讀至末段民德墮落國紀凌夷處尤極懇切聽者均爲動容時南苑航空學校特派飛機兩架在空中盤旋表示祝意同時海軍部午砲處盛鳴禮砲階下軍樂大作宣言書讀畢各員退出時正十點外交團天主堂主教

及清皇室代表以次進賀至十二點方畢十二點三十分大總統回本邸

### 第九

直皖風雲與京津人民

近自曹段失歡直皖兩系大動干戈互以兵戎相見掀天揭地之風雲忽起於京津一帶兩方軍隊盤馬彎弓躍躍欲試時局前途大有非武力不能解決者矣夫在彼兩系軍閥之自身始而各懷私見繼而互起猜嫌卒因種種暗鬪種種排擠其結果遂釀成督軍團之分裂北洋派之自殘以致有今日然而兩系自身各有宣言均持之有故言之成理在皖系目直系爲大逆在直系指皖系爲國賊究



之孰爲國賊孰爲大逆世有公理自能言之而兩方所以互罵爲國賊指爲大逆者皆藉口於此以便興師動衆自謂兵出有名無非以強力而攘奪政權耳

第十

前敵失敗之餘談 諺云兵馬未動糧草先行蓋糧食之供給爲軍中第一要需無論古今中外稍有軍事知識者莫不知其然也此次近畿戰生皖系諸將挺身而鬥集重兵調重砲配以十足之槍械子彈三路出軍勢如潮湧其戰鬥力視直軍倍蓰之而竟一敗塗地者其原因固甚複雜然而糧食問題尤其致敗之一大原因也我國軍隊弊端甚多軍需上之剝蝕尤甲於各國一般掌兵權者祇知

擁兵自豪橫行國內一旦與人爭氣卽驅其部下上陣殺敵以圖快意而洩忿至兵士之甘苦殊不值其稍爲留意彼統兵之人驕侈淫逸至於極端麻雀一場動計數萬元有錢購地皮置財產跑汽車造洋樓買小老婆而軍餉積欠數月不發平時如此猶可說也迨戰事發生仍不認真籌備一面下令攻擊使兵士上陣打仗一面施行其苦兵政策使兵士枵腹衝鋒聞此次西路之戰第十五師在前線者三日未曾一飯加以大雨傾盆身上既泥水淋淋腹內又飢腸轆轤人非鐵石其何能堪漫云吳軍善戰砲火無情卽祇此一餓亦足以使其餒喪敗退而有餘矣

第十一



北京學生被拘風潮 北京學生聯合會派遣演講團至京城各處舉行露天演講數約千餘人警廳派出保安馬隊彈壓先阻止學生勿講嗣將聽衆驅散即將演講學生押送國立北京大學之法科理科各室並派兵在門前紮營守護不許學生出入當由各校職教員向政府要求釋放學生撤退軍警並經京外各團體紛紛電請至七日始將軍警撤退並派員向學生慰問翌日學生始各歸校

### 第十二

日本駐西伯利亞之軍隊近已陸續撤退頃聞該軍隊計有七萬人之多其預定撤退辦法每日輸送數列車大約一月左右全軍即可撤盡現由滿站起運回已有九列車

由赤塔開駛經過滿站者已有三十二列車若無何項變更本月底即可竣事西伯利亞協約軍隊既經盡撤則按照聯軍協定條件東省鐵路技術部即可收束聞中國代表王景春關於此事現已由滿抵海拉爾與各國代表會商一切云

### 第十三

美議員團暨其眷屬人等計五十一員十四日午後二時專車抵京赴站歡迎者有總統代表蔡廷幹交通部代表趙慶華參議院秘書長李慶第及兩院議員代表黃錫銓等十數人商會會長袁某等數人學生界及清華學校代表王某等二十餘人并有女學生界代表王孝英章瑩英



二人并有大旗多數書北京學生界歡迎字樣有寫英文字者有寫中文字者車到時警察廳軍樂隊奏樂男女學生界代表大呼主持山東公道共和萬歲等語議員團下車時携有大紅緞旗一方為山東外交協會所贈上書主持山東公理山東外交協會贈美議員團存等字樣字為中英全璧甚為精緻聞議員團下車後由政府預備汽車十五輛迎往北京飯店下榻

第十四

閻晉督擬實行強迫教育 晉省富人皆以銀號匯兌為業而新學識多不留意故近日閻督軍擬實行強迫教育凡晉人財產在壹萬元以上者勒令其子弟必需在中學

畢業又決議先辦一軍國大師範學校造就教員三萬人以為廣開學校之基礎又設法獎勵富家子弟出洋留學凡晉省兵丁皆責令實行求學每一兵丁每日必須認識六字而晉省議會亦派員調查朝鮮亡國後之慘狀俾人民知有所警惕云

第十五

財政部以庫空如洗供應無法特咨催各省欠解期便應用其文謂各省縣欸原有限期現值軍事倥偬尤為迫不及待迺查近數月來各省能源源報解者固居多數而藉故推延者亦復不少部庫空虛急甚燃眉凡百開支迫不可緩將伯既無可呼中央必致坐困為此咨請貴省長仰



卽嚴飭所屬征收機關務各體諒時艱切實辦理如期解繳除飭令各省財政廳遵辦外並希見覆云云

### 第十六

組織新借款團問題曩經拉門德氏與日本財團代表井上氏議定基礎日美兩國政府亦均承認故拉門德氏急遽回國以便進行該氏既抵紐約遂與日英美法各國關係者詳商一切結果業經完全協定最近在華美國公使根據美政府之訓令已將該國財團協定事項通告中國政府茲聞該通告頗有重大意義於是新借款團至此已告完全成立並聞對華通告內容雖嚴守秘密然大體係開示交涉之始末及說明活動之範圍惟北京政府對此

所執之態度如何殊堪注目但目下正值政局動搖之際故未答覆蓋自茲以後已成爲中國對四國之問題也惟中國政府當此財政困窮之際借款團預計決不表示反對定將從速交涉具體的條件云云

### 第十七

軍人又干涉路政 日前本埠車站有軍官某因送友人上車與查票人大起衝突火車上俄員本有職務上關係倘軍人任意干涉不守定章路政將何以維持也

### 第十八

侵佔馬褂成訟 地方審判廳日內收有一似訛非訛似騙非騙之案係內右二區界內住戶常慶氏與宗佩係屬



街隣常相往還忽因馬褂一件彼此口角彼則指爲訛詐此則叱爲拐騙兩造爭論不已旋由常慶氏到該署告稱宗佩侵佔伊馬褂請爲質訊該署當將兩造送法廳訊辦矣

### 第十九

當北京政潮決裂時所有中交京鈔竟成一落千丈之勢於是京漢各站對於客貨車票一概改收現洋普通人民早已有難言之痛而積有此項鈔票者尤復呼籲無門茲從鐵路方面得來消息知中央現以此項鈔票乃國家銀行發出亟當設法維持以存信用聞其維持辦法先以鐵路方面爲着手大約本月以內京漢車票准可仍收京鈔矣

### 第二十

關外磐石地方有一田某未識其名常出外經營商務每欲獲取貲財以供夫婦二人終身之費無奈所生一子甚屬不肖曾乘父出未歸該不肖因無錢使用竟將五十餘歲之老母賣與該邑黑石鎮河南某家爲婦當得受價金千吊之數聞該不肖獲此鉅款每日在外花天酒地不過半月之久卽將賣母之錢花爲烏有現又胆敢對人大言曰將來定將老父賣與富人爲奴以便供我使用耳噫世界上真有此等不倫之事不知有管理該邑之責者竟將此事而置之不理耶

### 第二十一



日本君民今方竭力舉大亞西亞政策擬并吞亞洲合成一世界最大之國著手之始卽在我國琉球朝鮮台灣中國屬地已一一落諸其人之手卽從事於南滿洲而雄心猶未已乘歐戰之時機又奪我青島遂提出二十一條苛求卽五月九日簽字者也今則居然將青島永遠佔有山東之咽喉已塞中國之右臂已亡若不早爲之防長此以往恐我國將繼琉球朝鮮台灣而亡諸君曷勿興乎

### 第二十二

抵制抵制之聲浪日聒於耳鼓而相傳不已矣抵制抵制之招貼日觸於眼簾而到處皆是矣人心不死卽愛國之天良未昧誰謂中國人無熱心愛國者乎

雖然空言抵制而不從根本上着想則抵制之說恐不足恃也何也始勤終怠不幾蹈五分鐘熱度之誚耶蓋人貴有抵制之決心尤貴有抵制之實力實力者何卽多出國貨是也

既多出國貨矣自必不再購劣貨不再購劣貨矣然後可以言抵制有出品能抵卽有利權能制此之謂真抵制

### 第二十三

直皖兩系炮火相攻徐總統屢請調人爲之從中調解彼等若果悔禍是亦民國之幸也

蓋近年來內鬩不已國勢已岌岌可危縱不顧念人民亦當爲個人設想倘使四分五裂身家且不保又何有於權



利哉

#### 第二十四

自大戰以後世界大勢由歐洲轉趨東亞戰爭以前之形勢德法世讎英德爭長亞爾薩斯勞倫之割讓法人沒世不忘德國海軍之擴張英人終日不安其結果遂演成世界空前之大戰今歐洲之舊問題已經解決而新問題則尚未實現余則以爲其競爭潮流將會集於太平洋日美對峙兩岸其地理之關係甚密經濟上之競爭亦烈將來帝國主義與民主主義之衝突殆將重現於東亞矣

#### 第二十五

近年天文學上有一大發見使科學界大受震動即瑞士

數學家恩斯登博士所創之新說是也據博士推測謂光線進行能被重力所吸引而向之彎屈由是可見光乃一種可接觸之物質且有一定之重量可衡也此項假定如屬真實則光依直線進行之定理將完全破壞吾人目中所見之物體位置將不復爲物體之真位置且著名之牛頓重力法則亦必重加修改而後可此種新說之影響於科學界不可謂不重大故各國科學家多加以注意惟欲證明此說之真僞則必先觀察天空星光經過太陽近旁以達地球在中途是否爲太陽重力所吸引而彎屈如果確有彎屈則此種假定至少必有幾分可信矣

#### 第二十六



日本以區區三島居然躋於世界強國之林其政教風俗必有可觀者余蓄遊日之志久矣迄無機會成行本年七月間辭教職來滬蓋欲作西子湖邊遊也適友人賀李二君過此聳我東去二君皆久於日本之留學生也遂與之偕行行時附日本郵船會社之山城丸船身不甚大兼之余之航海此爲破題兒第一遭途中雖封姨歛跡波臣不興他人視爲得未曾有者然余已覺暈眩不自在矣越二日夜抵長崎時正黃昏遙望燈光連續有若繁星洵美觀也長崎環山面海一港深入既擅名勝又負形勢乃日本重要之都會中國與日本通商最早之地也甫進港時集船客於艙面驗病有病者令入醫院不得留船亦不得上

陸蓋防傳染也此不獨長崎爲然後過門司神戶均如是驗畢余偕賀李二君上岸入一咖啡館飲咖啡蓋謂咖啡可以蘇腦困也飲後覺飢腸轆轤思再進食頃之得一館名曰四海樓乃此地第一之中國料理館日人稱菜曰料理也館之附近均中國商店卽此間所謂中國街也我國領事館亦在此其中國業以兩替商兩替卽對換銀錢之意爲多長崎之兩替店幾無一非爲中國人所營也是夜舟寓此埠第二日下午四點鐘出港行十四點鐘抵一地曰門司此地風景形勢絕與長崎相似蓋亦三面環山一面向海也門司對面爲下關又名曰馬關乙未李鴻章與日本所結之馬關條約卽在此地地與朝鮮之釜山僅隔



一海峽舟行一夜可達誠日本西南之門戶日韓交通必由之道也從此直達神戶俱航行日本內海兩岸衆山屏立有如層雲中間輪舶往來勢若投梭誠一幅絕妙之天然風景畫也舟抵神戶又須停泊余友曰此去航行太平洋簸蕩必甚何如由此改乘火車則能免此苦且可省時余是之遂舍舟而登車抵站時僅七鐘而開車時刻則在十點五十分鐘乃偕往杏香樓小酌亦中國料理館也酌後尚有餘時略往各處遊觀覺此地局勢規模均較長崎爲大僑居之中國人亦較長崎爲多正遊行中斗見五色國徽飄揚空中就而視之乃我國領事館也維時出時計視之已近開車時間矣急返站登車車行四五十分鐘

遠望烟突高聳有如松林不問而知爲工廠萃集之處抵站果爲大阪蓋日本有三大中心東京爲全國政治中心橫濱爲全國商業中心而大阪則爲全國工業中心也由此再車行十五點鐘方抵東京中間經過京都名古屋諸地皆日本有名之都會也京都一名西京卽日本之故都現都之東京舊名江戶乃明治二年所新遷者也至今天皇卽位猶須至西京行禮猶俄都已遷聖彼得堡而俄皇行加冕禮尙須在莫斯科也東京初下車卽見洋房高聳輝煌美麗似公署實非公署似商場又非商場問之乃本年新落成之中央停車場簡言曰東京驛越時兩年餘費金百數萬東京現時之第一建築物也日本房屋均以木



成之雖四五層之洋房表面視爲磚石築造者其實亦以木爲之不過外墜以塞孟土而已蓋日本地脈多火山時逢地震建築如此所以避傾塌也然利之所在弊卽乘之每遇火起施救不及余在東僅三四日而大火已數次矣東京共分爲十五區區又分爲若干町余住之清壽館乃神田區猿樂町也是區人烟稠密東京第一我國留學生多寄居於是以各私立大學及各預備學校多在是區也至商店之輝煌市況之繁盛卽以日本橋爲最橋之附近有三越吳服店者東京第一商舖也店房共七層有電機電梯以升降之層各有休息室室中司茶役者均美艷之少女陳列貨物種類甚多人身日用所需者幾於應有

盡有且所陳者均日本之國貨舶來品蓋絕跡也然不特此店爲然卽東京全市場如是縱有外貨亦必爲日本不能生產之必需品此亦足見日本人之愛國也

第二十七

北京風俗凡收生婆門高懸一牌一面書吉祥老老一面書快馬輕車有旗人名吉祥因偷某家一輛車一匹馬爲某所告據供車馬原贓存於伊老老家官卽出籤命二役去傳窩贓之人二役素係渾蟲卽將一名收生婆傳來消差官視之大罵二役混賬誤事二役分辯此婆子門前高揭牌示大書吉祥老老必係吉祥之老老無疑一面又書快馬輕車可見賊贓存於此家官聽啞然



第二十八

某有三子臨終遺囑將所遺馬十七匹遞分之長子得二分之一次子得三分之一幼子九分之一照分數法計算長子應得八匹五次子應得五匹六六幼子應得一匹八八數均畸零勢非將馬分解不能照分計無所出鄰叟聞其故乃別牽一馬來曰以此加入我當爲汝曹遞分連原有馬十七匹共爲十八匹長子二分之一得九匹次子三分之一得六匹幼子九分之一得二匹共十七匹尙餘一匹鄰叟仍牽之歸

第二十九

戰地消息自開戰以來砲火槍聲異常猛烈轟河震岳裂

谷驚天不但血肉交飛傷肢碎首者每戰必填溪橫野卽其衝鋒陷陣幸得生還之人而以出入於硝烟彈雨間屢受巨砲震驚致生各種之奇異精神病者殆亦不勝其數矣各國醫師曩者甚形棘手施以種種療術絕未奏功嗣有用催眠術治之者竟獲捷効據法國陸軍病院某軍醫之筆記略謂近有某隊軍士因苦戰未休腦受砲彈炸震之聲記憶力驟然喪失安臥病院雖施以電氣治療養以安神食物飲以益智湯劑終無效果嗣後以催眠術療之僅三星期卽霍然恢復舊軌焉此外基於交綏恐怖之感情生一時變性等症或焦燥不安夜臥不眠均可以催眠術治之而獲蘇復其健強刻下催眠術及其他科學的療



法均著非常價值云

第三十

歐戰開始之明年比國沿海一帶戰地寒風凜冽墜指裂膚故兩軍皆深溝高壘爲久持之計兵士晝夜皆居於塹壕之間一以避險一以避寒也若至夜靜更深爲防敵人之逆襲起見則其兵之一部必巡哨四圍以防不測而英兵某氏乃發見一最奇之事焉

某氏當夜巡哨塹壕之周圍狀至沈寂不料於隱隱黑暗中突然發見一隊人馬某疑爲敵兵之劫營也架起手槍急欲發射殆細視之其兵之服裝與德兵大異皆爲古代之形式且不言不語直過某氏之前某氏以其可怪大

聲詰之無人回答其形亦逐漸消滅於雲霧之中矣

某氏以其事可怪亟返塹壕營內報告大衆又派遣四人同出察視則所見古裝之鬼兵又復發見於塹壕之畔其形式不類敵人亦不類同袍羣相謂曰其殆幽靈歟當時一士官亦出巡視謂確爲幽靈無可疑者

據云此處在五百年前有英國之一皇太子出兵於此戰爭年餘所向無敵而其人馬卒因之死傷大半或者此輩英魂餘氣猶在故復出而與祖國軍士一晤歟



○第三編

第一

領事官職務條例

第一條、駐外總領事領事副領事在所駐國管轄區域內以發展本國商業撫綏僑商爲職務、第二條、駐外各領事各受所駐國之本國公使指揮監督、第三條、各領事在所駐地遇有疑難事件應隨時商承公使辦理其事有關緊要而離公使所駐地較遠者得直接請示外交部外交部所發訓條仍得隨時詳報公使接洽、第四條、除無公使駐紮之國外各領事不得與所駐國之中央政府直接交涉遇事須詳由公使商辦其所駐國之地方政府在管轄區

域內者各領事得隨時與之直接辦事、第五條、各領事於其職務上應守秘密事件不得洩漏非有外交部長官暨公使訓條不得隨意宣布登報至外報有論議本國要政者須隨時詳報、第六條、領事對於所駐國之各項法律暨與本國所訂國際條約應詳細研究並須熟習所駐地暨管轄區域內通商行船法律與其習慣、第七條、本國各部暨駐他國各使領館有委託領事辦理或調查之事應即遵辦領事致各部公文除奉有特別訓條外均詳由外交部轉達惟委託事件在領事有以爲礙難照辦者得詳請外交部核示、第八條、本國人在外出入國籍生死婚娶各項事宜按照本國或所駐國法律應由領事證明者各該



領事得發證明書並隨時分別詳報外交部第九條、僑民在外身故其所遺產業如未留有遺囑無親屬證明領取者得由領事證明暫為接收一面詳報外交部轉行核辦第十條、在外僑商人數職業暨本國與所駐國通商進出口貨物統計均由領事調查造冊每年一次報告外交部農商部第十一條、關於所駐國商業工藝農產銀行交通公共衛生各項情形由領事按季報告外交農商兩部其有重要變更如修改稅則頒布新律及有關於本國貨物之輸出該國貨物之輸入等事應隨時從速詳報第十二條、領館官有器物及館屋情形應遵照審計處擬定檢查官有財產附屬明細表按年度報告第十三條、各領事依

照前列各條按期報告外交部外應兼詳公使備案領事副領事館並應兼報總領事館第十四條、本條例未盡事宜暨將來各種法律頒布後如有應行增修之處得隨時修正之第十五條、本條例自公布日施行(中華民國四年一月廿五日公布)

## 第二

中國銀行則例

第一條 中國銀行為股分有限公司

第二條 中國銀行股本總額定為銀元六千萬元計分六十萬股每股銀元一百元政府先行認墊三十萬股餘數由人民認購認購總額超過三十萬股時得由政



府酌量情形將認墊股分分期宣布售與人民  
中國銀行若有增加股本之必要時得由股東總會議  
決經財政總長核准後再行添招  
國幣發行後銀元應遵照幣制則例換算倘生奇零之  
數得追向股東增減之

第三條 中國銀行由政府先交所認股分三分之一以  
上開始營業一面招募商股招股章程另定之

第四條 中國銀行設總行於中央政府所在地各省會  
及商業繁盛地方得斟酌情形設分行或分號或與他  
銀行訂立代理合同或匯兌契約但須經財政總長核  
准

政府視為重要之區域得商令總行增設分號或代理  
處

第五條 中國銀行股票概用記名式除中華民國人民  
外無買賣轉讓之權利

第六條 營業年限自總行開業之日起算滿三十年為  
期期滿時得由股東總會議決展限但須經財政總長  
核准

第七條 每年營業所得之淨利總額內須提十分之一  
以上作為公積金後始得攤派股利前項提公積金攤  
派股利須經股東總會議決呈由財政總長核准  
第八條 前項公積金之用途如左



- 一 填補資本之損失
- 二 維持股利之平均

第九條 中國銀行營業之種類如左

- 一 國庫證券商業確實期票及匯票之貼現或買入
- 二 辦理匯兌及發行期票
- 三 買賣生金生銀及各國貨幣
- 四 經收各種存款並代人保存證券票據及其他一切貴重物件
- 五 代素有交易之銀行公司商號及個人收取各種票據之款項
- 六 以金銀貨及生金銀作抵押為借款

七 以上公債證書或政府發行證券或政府保證之各種證券作抵押為定期或活期借款但其金額及利率須經總裁副總裁董事監事隨時議決并財政總長之核准

以上各種營業之限制及名詞之解釋另定之

第十條 中國銀行得買賣公債證書但須經財政總長核准

第十一條 中國銀行除前兩條揭載各種營業外不得經營左列諸項及其他各種事業

- 一 收受不動產及各種銀行或公司之股票作借款之抵押品



二 收買本銀行股票並以本銀行股票作借款之抵押品

三 除關於營業上必需用之不動產外買入或承受不動產

四 直接間接經營各種工商事業

第十二條 中國銀行發行兌換券但須遵守兌換券則例

兌換券則例以法律定之

前項法律未施行以前得依照財政部規定暫行章程辦理

第十三條 中國銀行受政府之委託經理國庫及募集

或償還公債事務

第十四條 中國銀行有代國家發行國幣之責

第十五條 中國銀行設總裁一人副總裁一人董事九人監事五人

第十六條 總裁副總裁簡任董事監事由股東總會選任

非有五十股以上之股東不得充董事及監事

商股未招滿一萬股以前前項職員資格暫不適用董事監事之人數及選任均以財政部部令定之

第十七條 總裁副總裁以五年為一任董事以四年監事以三年為一任但得連任



總裁副總裁任期內除匯業銀行及幣制事宜外不得兼他項職務

董事監事任期內不得兼充他銀行或公司職員

第十八條 中國銀行之股東總會分爲左之兩種

一 通常股東總會

二 臨時股東總會

第十九條 通常股東總會每年於總行所在地開會一次由總裁招集之

第二十條 總裁認爲有重要事件必須會議時可招集臨時股東總會

第二十一條 總裁遇有董事或監事全體或股東總會

會員五拾人以上并占有股份全額百分之一以上者

因重要事件請求會議可招集臨時股東總會

第二十二條 股東總會開會時須自開會之日起算在六十日以前註冊繼續有十股以上之股東始有會員資格得列會議

第二十三條 股東總會會員之投票權每十股有投票之權百股以上每五十股遞增一權

第二十四條 股東總會會員因有事故不能到會時其委託代理人以會員爲限

凡一會員之代理投票權不得超過十票

第二十五條 總分行號及代理處應行報告事件及其



程式由銀行呈准財政總長另訂詳細章程辦理

第二十六條 財政總長對於中國銀行一切業務如認為有違背本則例及本行章程或不利於政府之事件時皆得制止之

第二十七條 財政總長得派監理官一人監視中國銀行一切事務

第二十八條 中國銀行須照本則例主旨詳定章程附股東總會議決呈請財政總長核准遇有須改訂增損時亦同

第二十九條 本則例關於股東之規定自招滿一萬股時發生效力

第三十條 本則例自公布日施行

附中國銀行兌換券暫行章程

一 中國銀行兌換券由中國銀行及中國銀行指定之代理處一律發行

二 凡下開各項用途一律通用此項兌換券

甲 完納各省地丁錢糧釐金關稅

乙 購買中國鐵路輪船郵政等票及交納電報費

丙 發放官俸軍餉

丁 一切官款出納及商民交易

三 此項兌換券按照券內地名由中國銀行隨時兌現  
四 凡兌換券內印有兩處地名者在此兩處皆可通行



兌現不取匯費  
五 此項兌換券如有拒不受及折扣貼水等情從嚴  
取締

第四編

第一

特任昭武上將軍熱河都統姜桂題兼管理將軍府事務  
此令

特派江庸充修訂法律館總裁此令

內務總長田文烈呈准安徽省長聶憲藩咨請任命徐炳  
炎為蕪湖警察廳警正應照准此令

前京師警察廳總監吳炳湘於此次徐樹錚等稱兵構衅  
之時不知遠嫌有背職務雖經免職仍著褫奪陸軍中將  
原官暨所得勳位勳章以示懲儆此令

據浙江督軍盧永祥省長齊耀珊電呈浙屬臨海黃巖溫



嶺寧海麗水縉雲等縣連日大雨港潮衝激山洪暴發田廬人畜多被淹沒災情奇重請撥款賑濟等語該省災區遼濶待賑情殷軫念民生殊深憫惻著財政部迅即撥銀一萬圓尅日匯交該省長遴派委員分赴災區核實散放以惠窮黎此令

第二

大總統令

中國與日本地居唇齒素敦友睦近有協議案件外交部與駐京日使掬誠確商可望和平解決乃商民不悉內容多生誤會聞有排斥日貨及與僑寓日人偶生齟齬之事殊為可惜又有亂黨包藏禍心乘隙煽惑尤堪痛恨查通

商貿易及保護外人均載在約章凡我國民共應遵守值此歐洲多事商務蕭條詎堪再生枝節小則累及商家大則牽動全局明哲士庶當見及此各將軍巡按使有地方之責務宜隨時攷查剴切諭禁認真防範倘有亂徒假托名目擾亂治安著即嚴拏懲辦用維大局而奠民生此令

第三

從來保邦制治羣策攸資必有振奮之精神乃無廢弛之政治近歲以來政尙寬大官多冗聞或一事而置數員或一人而兼數事社會積成凋敝般樂無異承平祿縉輒病纖微揮霍乃同豪右長吏無聞下僚益肆京師若此外省可知推厥由來蓋亦有漸或則以官為家因仍舊習役志



於斗升之未疲神於徵逐之餘叩以世界大勢列邦近聞  
殆非所習其在稍窺新理者則又假借治術利用政權以  
名位爲奔走之資以華廡爲黨援之助權利所在不憚犧  
牲執義爲衡實兩失之夫服官公權法律所許而自中樞  
以逮末僚莫不有其應盡之職務與其責任職責云者非  
僅如曩昔官箴所守謹矢慎勤已也每一事之經畫準諸  
國情奚若揆諸世界趨勢又奚若必當有深識遠慮以貫  
徹初終而事之繁重艱棘者尤必往復籌諮以求一當卽  
在休沐不廢焦思故名秩愈崇則職責愈重而所以副其  
職責也愈難旁觀多歎羨之私當局皆疚心之地方兢惕  
之不暇何權利之足言矧當歐戰既終世界潮流一變吾

國人之心理與夫國家之政策亦當權衡通變以應世勢  
併力以赴猶懼後時翫愒相乘適茲叢脞本大總統德薄  
能鮮勉任艱屯亦惟賴百爾有司之竭誠匡濟爲國民力  
謀福利與友邦共進休明至於道德紀綱國脈攸繫政策  
雖有遷變而扶植在所必先亟望京外長官各以艱難宏  
濟爲心一洗上下相蒙之習勿逞伎求勿耽逸欲勿蹈泄  
沓勿挾偏私卽在庶僚皆吾心膂寅恭共勵匡翊是資勿  
以政簡而稍卽怠荒勿以秩微而自存菲薄多難興邦式  
在古訓祈天永命恃此至誠咨爾有位勉之毋斃此令

#### 第四

國家大法所以範圍庶類備規干紀邦有常刑此次徐樹



八八  
錚等稱兵畿輔貽害閭閻推原禍始特因所屬西北邊防軍隊有令交陸軍部接收辦理始而蓄意把持抗不交出繼乃煽動軍隊遽啓兵端甚至迫脅建威上將軍段祺瑞別立定國軍名義擅調隊伍佔用軍地軍械逾越法軌恣逞私圖曾毓雋段芝貴等互結黨援同惡相濟或參預密謀躬親兵事或多方勾結圖擾公安並有濫用職權侵挪國帑情事自非從嚴懲辦何以伸國法而昭炯戒徐樹錚曾毓雋段芝貴丁士源朱深王郅隆梁鴻志姚震李思浩姚國楨等著分別褫奪官職勳章由步軍統領京師警察廳一體嚴緝務獲依法訊辦其財政交通等部欸項應責成各該部切實澈查呈候核奪國家雖政存寬大而似此

情罪顯著法律具在斷不能爲之曲宥也此令

### 第五

大中華民國大總統閣下茲際中華民國肇造紀念日貴大總統就職之時特表美國國民謹致賀忱並祝貴國國運昌盛國民享平和幸福本大總統之所罄香禱祝者不僅以中美兩國素敦睦誼而實因值此文明變化最關緊要之時中國因內亂而自分析若不早息爭端殊難協同友邦一致達維持正義之目的今貴大總統就職之日正貴國各派首領以愛國爲懷犧牲一切息爭之時更宜和衷共濟力謀國民幸福統一南北而於各國國際公會中亦佔其應有之地位也

美國大總統威爾遜



第六

大美國大總統閣下本大總統爲民國國會依法選舉就職承閣下馳電致賀無任歉感我中美兩國交誼素篤深望此後兩國邦交之親密有加無已軍興以來貴國軍士之忠勇將帥之精幹早爲全球各國所欽佩本國政府仍當繼續前規竭力協助冀獲公共之目的至國家統一爲國利民福之基礎原屬治國之要義本大總統被選之日卽以國家統一爲懷現正力求治理以達此原定之目的俾將來各國國際公會中我國得佔應有之地位并得與貴國互相攜手以維護世界高尚之正義焉

中華民國大總統徐世昌

第七

臨時戒嚴總司令部爲布告事照得時局糾紛戰端猝起本司令部爲維持津埠治安宣告戒嚴惟查此次我軍作戰純爲驅逐國賊擁護國家起見凡我人民均有愛國思想卽有維持義務而維持之道首重民食乃近來訪聞本埠有不肖奸商乘此戰事發生竟將糧價高抬以遂其一己之私實屬不顧大局深堪痛恨合行出示布告仰糧行軍民人等一體知悉自此次布告後卽以現在市價爲標準不得再將各項糧食故意居奇高抬市價致碍民生該商等不乏深明大義之人務當共體時艱以盡國民義務倘敢故違一經查出定不容寬其各懷遵勿違特告



第八

京師警察廳爲示知事奉內務部飭開查衛生行政以傳染病之預防爲尤緊要誠以疫癘之發猝不及防蔓延最廣殺人最速其害有不可勝言者歐西各國都市地方類有傳染病醫院之設京師地面人煙稠密一旦發生是病爲害尤烈雖內外城官醫院早經設立近年以來公私立醫院亦復不少然均係普通醫院遇有斯症無可收容診治之方因以棘手今年春間迭據該廳報告內外城住戶發現猩紅熱白喉痧疹等症益知籌設是項醫院不容再緩當經本部擬訂傳染病醫院章程呈准設立擇定適宜地點尅期開辦茲已於本月一日開院嗣後遇有傳染病

發生自應由該院認真治療並設法預防第恐人民未盡周知或狃於故習裹足不前則該院雖設效用難彰合亟飭行該廳仰卽通告內外城居民一體周知等因奉此合行出示布告嗣後遇有發見猩紅熱白喉痧疹赤痢腸熱症霍亂天花鼠疫等項傳染病或疑似傳染者務卽前赴東四牌樓北十條胡同傳染病醫院診治其有劇烈情形不能到院時應由該家屬告知該醫院或稟報就近警察署以便電告醫院立派醫員前往診治倘各公私立醫院及醫生等發見前項傳染病時並應立即報告該院醫治不得延誤仰卽一體遵照

第九



民國成立。接續清代。外債如山。迫不能待。屆期不償。信用有碍。保邦衛民。兵吏是賴。俸餉不繼。秩序全壞。無人主持。身家危殆。立國要需。樽節至再。審計認真。浮糜裁汰。凡百政用。賴民輸解。府庫充實。民安國泰。國不能保。人必侵害。何如及今。自立不敗。國民痛苦。政府深慨。非不愛民。勢處無奈。兩害取輕。特申誥誡。願我國民。各奮忠愛。同濟艱危。方興未艾。(韻示)

## 第十

## 財政部批

原具呈人徐紹楨據呈已悉查該公民等以吾國邊陲遼濶物產豐饒擬設殖邊銀行以資整頓等情具徵規畫宏

遠殊堪嘉尙所擬殖邊銀行條例草案及招股章程大致尙屬妥洽間有不合之處業由本部酌量情形分別修正業於本年三月六日奉大總統批據呈並條例草案均悉應准如所擬辦理此批等語併刊登公報在案茲查原擬招股章程草案第一條規定股本總額三千萬元分爲三百萬股惟衡以吾國現時經濟情形如此鉅額一時恐非易集與其墾額過鉅籌募需時何如酌量減少早觀厥成之爲愈也茲特修正爲總資本額二千萬元分爲二百萬股每股十元以六十萬股用無記名式一百四十萬股用記名式無記名式股票無論何時不得超過記名式股票三分之一又第五條內有呈明財政總長一語應卽修正



為呈明財政部又第十七條之明字應修正為自字餘如所擬辦理仰即遵照此批

第十一

農商部批

據陳濟華稟及附件均悉本部審查所製汽竈模型內部構造尙屬完備運轉亦稱靈便按照工藝品獎章准予專利五年以示鼓勵合行填發獎勵執照一紙仰即具領審查報告書一併鈔給閱看模型發還此批

第十二

關於山東省之正式新條約

大中華民國大總統閣下及 大日本國 大皇帝陛下

為維持極東全局之和平並期將現在兩國友好親善之關係益加鞏固起見決定締結條約為此 大中華民國大總統閣下任命中卿一等嘉禾勳章外交總長陸徵祥 大日本國 大皇帝陛下任命特命全權公使從四位勳二等日置益為全權委員各全權委員互示其全權委任狀認為良好妥當議定條項如左

第一條 中國政府允諾日後日本國政府向德國政府協定之所有德國關於山東省依據條約或其他關係對中國享有一切權利利益讓與等項處分概行承認

第二條 中國政府允諾自行建造由煙臺或龍口接連於膠濟路線之鐵路如德國拋棄煙灘鐵路借款權之



時可向日本資本家商議借款

第三條 中國政府允諾為外國人居住貿易起見從速自開山東省內合宜地方為商埠

第四條 本條約由蓋印之日起即生效力

本條約應由 大中華民國 大總統閣下 大日本國

大皇帝陛下批准其批准書從速在東京互換為此兩國全權委員繕成中文日本文各二分彼此於此約內簽名蓋印以昭信守

中華民國四年月日 日本大正四年月日作於北京

第十三

日本公使照會

為照會事本公使以帝國政府名義對 貴國政府聲明日本國政府於現下之戰役終結後膠州灣租借地全然歸日本國自由處分之時於左開條件之下將該租借地交還中國

(一)以膠州灣全部開為商埠

(二)在日本國政府指定之地區設置日本專管租界

(三)如列國希望共同租界可另行設置

(四)此外關於德國之營造物及財產之處分並其他之條件手續等於實行交還之先日本國政府與中國政府應行協定相應照會即希 查照須至照會者

第十四



逕啓者聞中國政府在福建省沿岸地方有允外國建造船廠軍用蓄煤所海軍根據地及其他一切軍務上施設並聞中國政府有借外資建設或施設上開各事有無此項情事希卽見復爲荷

### 第十五

逕覆者接准 月 日來示閱悉中國政府可以聲明並無在福建省沿岸地方允外國建造船廠軍用蓄煤所海軍根據地及其他一切軍務上施設又無擬借外資建設或施設上開各事相應函覆卽希查照

### 第十六

北京龍巡閱使子承如兄鑒敬電祇悉貴軍現在逃往何

處尙不得知前因敵隊略有傷亡以致全體憤激儘力追襲現已電飭敵軍停止追擊務請逕自派弁設法尋獲勿令散竄日前之役雙方官長均不免誤會已往之事彼此無足介意也特電奉復張作霖迥印

### 第十七

爲瀝陳下情籲請辭職仰祈

鈞鑒事竊啓超奉職本局行將經年虛糜重祿未舉一績前曾再四乞退而

溫語慰留勉以濟艱期以後效啓超上承吐握下士之殊知下循盡瘁事國之大義豈敢自求暇逸更有瀆陳惟自歐戰發生以來百事竭蹶財政挹注先其所急幣制



規畫斷難驟言治本治標兩窮於術猥以菲材濫竽其  
間神明內疚清議外慚蓋聞士夫之報國原不限於一  
途而國家之育材莫若各因其器啓超本以書生日親  
柔翰既無遠略尤非吏材去歲當國基未奠之時政府  
虛懸浮言胥動我

大總統恢宏金臺市駿之盛意采虛譽以禮羅啓超亦懷  
抱孟津捧土之微誠策駑蹇而思駕然而綆短汲深情  
見勢絀幾致隕越爲天下羞幸我

大總統曲予矜全許避賢路猶復謬錄寸長責以今職而  
事勢變遷遂致束手夫簿書期會既爲迂性所不堪而  
坐嘯素餐又豈明時所宜有啓超自惟夙耽丹鉛粗解

文史若委身於庠序之講誦遂志於典冊之述作猶或  
可以勉效庸愚稍裨世用况國家正當學絕道喪之會  
社會亦宜有采輯徇鐸之人故頗思竭不才之才作無  
用之用曾以斯意而瀆

聰聽過蒙

鴻慈寬其禮數諭以從公之餘且可旁事述著比亦仰承  
訓誨稍致研求然作輟相錯既非學業之所宜若休沐無  
期又置官方於何地爲此披瀝下忱乞解今職若夫芹  
曝之獻雖江湖豈易其誠倘值芻蕘之詢卽夙夜不忘  
自效伏乞

大總統俯鑒私情俾遂初服則鏡湖乞取未敢耽皮酒之



古歡書局自隨或可續藝林之嘉話所有籲請辭職情  
 由理合具呈謹呈  
 大總統鈞鑒訓示祇遵謹  
 呈

第十八

四年八月二十七日上午十一時全國師範學校校長陳  
 寶泉等一百零四員覲見 大總統訓詞云諸君均係師  
 範學校校長遠道來京會議本大總統得以接見甚慰爰  
 有數言相告現今世界係一文明競爭時代故教育實為  
 立國根本誠以無論何種事業莫不發生於教育試觀世  
 界競爭大勢有教育之人民可以消滅無教育之人民倘

一國之人民苟無教育甚者必至亡種滅族萬劫不復即  
 不然亦必將為有教育之人民所驅使待之如牛馬如奴  
 隸此可見教育不獨於立國關係甚大且於吾人立身亦  
 有綦重之關係也在前清時予即極力提倡教育十餘年  
 間未能畫一各省辦法參差以致進步甚緩革命以後教  
 育事宜停頓辦理精神反不及前清若長此泄沓何能立  
 國何能立身故予現在促進教育之心倍切於曩日然教  
 育之事不能不以師範為本源有師範而後能有好師資  
 有好師資而後始足以言教育諸君均為師範校長責任  
 至為重要此後務各注意國家教育使之畫一毋任參差  
 致背國家教育政策尤須視國民程度之偏嚮施以相當



一〇六

之教育以補其偏而救其弊如醫者之對症下藥也我國人民之通病第一在倚賴心太重想爲諸君所共知教育之時必須去其倚賴之心增其自立之念此應注意者一第二公德心太弱惟知自利不顧團體教育之時必須多方培養增進其公德此應注意者二第三不務實學偏於理想如從前之八比文字均係空學無當實用不待言矣近來雖講教育而對於實學之研究終嫌太差此應注意者三至於勉勵師範生之要義厥有二端一爲敬事必須自視教員之地位及所負責任至重實繫國家之強弱存亡不能以教授完畢卽爲了事教授之時尤不宜敷衍塞責必須視同教育自己子弟方可一爲熱心熱心則必以

一〇七

學生之進步爲己任學生既經教授卽當使之明瞭不能祇顧授課時間而學生之明瞭與否概不過問文明各國教育雖皆定有專章然不過定其大旨而教法如何全在爲教員者認真體察學生之聰明才力而熱心施以相當之教育然後方能達到國家興辦教育之目的惟教員能敬事能熱心又全賴在師範學校以養成之故予特拜託諸君注意於此至將來辦事仍須秉承教育部總次長會籌如何畫一如何推廣之方俟籌有辦法再由總次長彙齊采擇具呈請予核定諸君暑熱期間來京會議頗爲辛苦今日備有水酒尙其各盡一觴現在暑假假期屆滿開學在邇見予之後卽可回校



○第五編

第一

○○仁兄如握自違

叔度鄙吝復生馳慕無似比諗

起居多福爲頌弟別後返里閒居無聊友人見招作廣州之遊遂於月初來此嶺南風物領略頗多所產果品尤甲他省荔丹蕉黃古人所稱者信不虛也節日又近端陽遠客倍思

良友茲寄呈荔子一筐巖茶四瓶附以糖果四罌皆爲此間土產請卽

晒收此來約有三月旬留每日見聞所及編有日記聊



以紀遊非關著述容暇鈔出副本再行呈  
教專此敬請

大安 弟○○○謹啓○月○○日

第二

○○先生閣下夙仰

芳徽未親

雅範祇以一衣帶水之間隔遂使

神山在望瞻仰時深曩者敝校學生旅行復蒙

先生熱心指導訓悔殷殷厚誼隆情全體歡忭鄙人

以菲材忝長斯校謹代表諸生用贅俚語以表謝

忱手此順請

助安諸維

諒訥

○○學校長○○

第三

翁先生賜鑒久疏音敬仰企殊深辰維

道履凝和

潭祺迪吉至以爲頌某向在某店有年主賓尙稱相得  
茲因某店忽然停歇各夥相率星散某亦因此賦閒祇  
以八口之家向無恆產際此米珠薪桂仰事俯畜殊覺  
爲難因思

長者負商界重名交遊極廣務祈設法介紹謀一枝之  
棲俾免窘於生計感荷



盛情曷有既極尚此奉託祇請

崇安

某某謹上

第四

謹訂於本月十五日下午五鐘潔觴候

光

席設某某館

某拜

第五

昨承

寵召末座忝陪飽飫

盛筵暢聆

雅教感荷感荷惟諸君子飛觴豪飲弟則小飲即醉是以未能終席遂即言歸悵歎之情匪言可喻想

知我者當能諒我也席間承

示 某君之事明後當致函探詢俟得復言即行馳告知

關

台注先以附陳手此奉布並鳴謝忱即頌

近祉 弟某某謹啓某月某某日

第六

心領敬

某某謹覆

第七

某某仁兄大人閣下久違 大教忽忽半年辰維 覃祉  
迎祥 財祺集祐定符鄙頌聞今歲市面頗佳益以 閣



下之碩畫鴻籌當必利市三倍羨羨弟擬於下月中旬買棹起程前赴各地收帳順道即至尊處彼此進出之帳擬即一結望即措辦齊備免至羈守曠時則感甚矣特此預告祇請台安弟頓首

第八

某某仁兄大人閣下握別以來自裘而葛相思引領我勞如何辰惟履祉雲蒸財祺日茂為頌弟碌碌如昨惟近來客路不暢銀源似竭市面情形遂致大為減色第不知尊處市情邇日如何若敝處行情高下憑衆論以推之則皆恐其江河日下難望轉機尊處市大信靈見聞自確敢請將半月以內行情底蘊開示詳明俾可奉為

準繩以免有暗中摸索之誤則幸甚矣專肅敬懇順請台安弟頓首

第九

某某仁兄大人閣下頃奉朶雲誦悉一一承以市價見詢彼此情形無甚大異惟市價雖不見漲而來源潮湧去路泉流恐不及兩月而有來源中竭去路不濟之慮市價翔貴自不待言閣下善於貨殖尚望留意及之肅復即請大安弟頓首

第十

某某仁兄大人閣下春間蒙取各貨計價洋二百五十



八元為數甚微本應待 尊處便中付給惟小號資本微薄不敷周轉且節關已屆全恃收回外欠以付欠人帳項不得已泐函奉 聞望於日內如數 擲交俾資應付則幸甚矣此頌

財祺 弟 頓首

第十一

某某仁兄大人閣下逕啓者本公司成立以來第一期股票原定本年九月杪截止今將屆期應由各處招股機關部即日催收彙解並開具附股戶名報告入冊雖近日各處來函或以展期見商然建廠購器事不容緩故經董事會核議仍以九月杪為截止之期也專此佈聞即請

臺安

弟 頓首

第十二

某某仁兄大人閣下初旬曾肅一函並附上取貨單想已青及日盼 好音而竟杳無消息殊屬不解小號以此遲誤之故大為棘手 尊處若早自知不能如期承辦何不明言其故及早 示知今不得已祇得寬展限期至遲以月杪交到過期則小號之客不能再待弟處毫無所用惟有將來貨退回不情之處千萬 鑒諒特此預布即請

臺安 弟 頓首

第十三

某某仁兄大人閣下前承 委辦各貨遲遲未交惶悚何



似然其遷延之故實非弟咎自奉前示卽已設法布置冀得剋期交奉孰意來貨不多尙須補辦則弟又須聽命於人連日發函敦促如能於五日之內選購齊全卽當運到否則月杪爲期決不再遲惟此事未卽奉告於前不敢謂非鄙人之過其實弟亦日盼消息轉達臺端尙望鑒原而許其補過則幸甚矣專此卽請  
臺安 弟 頓首

第十四

某某仁兄大人閣下逕啓者敝公司近於江岸新造碼頭建築高大棧房業已落成各貨均可堆存專代中外客商泊船堆貨所有上下力以及棧租無不格外克己以廣招

徠且可代保火險代做押欸如蒙惠顧請卽駕臨面談便可商議一切專此卽請

臺安

弟 頓首

第十五

某某仁兄大人閣下逕啓者明日爲某某洋行叫莊拍賣之期弟擬前往一觀如有相宜貨物卽可拍定吾兄曾爲叫貨生涯必精於此屆時可否偕行乞先示知爲禱此請

大安

弟 頓首

第十六

踈遯



教言寒暑頓易仰瞻

斗極倍切依馳比值日麗風暄鶯啼燕舞恭維

某先生大人雅望日隆

聲華月美

福祉祥凝繁集履端之慶

德門瑞靄聿騰泰吉之歡遙祝

鴻喜無任雀歡鄙生家園株守知己難逢未有片

長堪陳

大雅惟幸託

福物適可舒

錦注耳茲具片函恭賀

新喜順頌

文祺不罄

名正具

第十七

啓者近因偶發小恙未能如命容癒便即趨  
教也此頌

文祺不宣

第十八

頃閱某報藉知吾

兄陞任欣忭曷如此賀

大喜並候

安祉



第十九

結婚式男女賓代表頌詞

嘉平上吉時屆新春欣逢 某某君 某某女士結  
婚佳期同來觀禮三星在戶百兩盈門贈花而祝于歸奏  
樂以鳴天盛從此鴛鴦福祿訂姻好於百年琴瑟和諧締  
證書於二姓歡聯伉儷化啓文明聊貢駢言藉伸燕賀謹  
頌

第二十


維

中華民國某年某月某日舊曆歲次某某某月某日某  
時某等謹以清酌庶羞致祭於

某某君之靈曰噫嘻天之生人兮厥賦惟同民之秉彝  
兮獨厚我

公德行足式兮才望何崇方期享壽兮後凋柏松胡天  
不佑兮奄忽潛蹤悵望不見兮杳杳音容隻雞斗酒兮  
儀愧不豐冀  
公陟降兮鑒我微衷伏惟尙  
饗





○第六編

第一

今收到

某某寶號交來銀

兩照收無訛此請

某某寶號 臺照

中華民國 年 月

日某某號收條

第二

元字第若干號

今存到

某記名下銀若干兩正言明一年為期長年六釐行  
息屆期備齊本利交還此據

年 月 日

某號  
圖章



第三  
租廠據式

立租廠據某今因開廠製造央同保人某說定租到  
廠全座計房屋 幢機器全副以及一切應用器  
具開具清摺壹扣當場交割無誤每年租金議定  
元正按 交付不得延宕短少房屋機器器具如  
或損傷遺失情願由承租人自行賠修 年為期滿期  
內無論開設與否不得退租亦不得轉租與人滿期後  
如願續租租金或照原數或須增減屆時另議恐後無  
憑立此存照  
中華民國 年 月 日  
立租廠據人某 押  
保證人某 押

第四  
續租證書

立續租合同人

因前租到

舖面房一所今已期滿情願續租且與本房東商議  
欲將此門面房兩間並拘連搭四間改為樓房後院之房  
亦改修為樓以備居住積貨之用按京都向來定章凡舖  
面房無論如何修改本房東與租房者兩下商允定立合  
同既修改後即按合同照辦不得別生枝節今本房東已  
允租房者改修樓房改修之後照舊生財按月取租亦不  
因改修遽加租金而租房者既修改之後無論費用幾何  
皆與本房東無涉假欲辭退亦不准將所修改者少有拆



毀移動皆歸為房東之物租期仍以十六個月為限假無  
舛錯兩下情願續租即可仍按此合同照行設租房者不  
按月給或本房東無故辭退仍按舊合同照行准本房東  
收回再租他人此乃兩下情願特續立此字作證並將舊  
合同粘附於後以作證憑

年 月

租房者

房東

證人

第五

借款證書

借款數	擔保品

每百兩每月按 計算利息

一右之借款以民國 年 月 日為限至期務將本  
利一併還清不得短少

一抵押品或因天災及別項事故致價格低落時須由  
立押券人提出增加抵押品或交納現金至少以補  
足低落價格為準則

一如到期不還或期限中抵押品價格低落而不提出



增加抵押品及交納現金時即為違約貴行亦不必發通知書任憑貴行將抵押品變賣以充本利若有不足立押券本人保證人負連帶責任須即時歸還清楚

一右之規約彼此均須嚴行遵守

中華民國 年 月 日 立押券人 押押  
某某銀行台照 保證人

第六

立抵押據瑞祥號今將公和茂棧單計洋棉紗二百件抵到

裕和寶莊規元一萬四千兩正七釐行息抵到四月底本利一併清贖無誤恐口無憑立此抵押據存照

批 照 公和茂棧單計六十紙

中華民國 年 月 日 瑞祥號立印

第七

立保單 今保敝友 至

執業自經手日起如有銀洋貨物誤錯短少由保人如數賠償欲後有憑立此單存照

年 月 日 保人某押



第八

號支票憑條祈

字第

某人銀若干

此致請向某處  
銀行照付

中華民國 年 月

日

支銀人簽  
名蓋印

No. \_\_\_\_\_

第九

憑票匯付

寶號 銀

兩整議定票至

見票遲 日照數兌付無誤此向

照兌 月 日

分號票

第十  
定貨成單式

字第 號

立成單(某某)今向

(某某)廠購定各貨開列於後准於 日內付銀取貨

過期不出銀利棧租歸買主承認以 個月內為限若

再逾期不出聽憑拍賣如虧耗不敷原價仍歸原買主

補足共計貨價洋 元正當付定洋 元正恐後

無憑雙方立成單存照

計開

(某貨)

若干件

定價



(某貨)	若干件	定價
(某貨)	若干件	定價
(某貨)	若干件	定價
年 月 日	(或某人) 押	

第十一  
取貨條式

憑條望發某貨若干件祈交來手並開發票一併帶  
下以便記帳此致

(某某)寶號 台照 (某某)號具

年 月 日

第十二

發 奉

各貨寄出之後倘遇關稅  
以及損傷遺失均由  
貴客自理各貨時價早晚  
不同一經出門概不退換

若 干

計洋 元正

先寶 號 台照 生





第十三

第 號 第 次

輪船房艙搭客壹位

由上海前往

該水脚銀兩業已收訖每客

只可帶鋪蓋衣箱食物籬各一件餘多要收水脚

如有私自塗改即作廢紙

年 月 日立

上海輪船招商總局啓

第十四

江海關監督 為給發免重徵執照事查商人運貨完  
 清稅課復欲改運別口售賣者驗明實係原包原貨查  
 與底簿相符並未拆動抽換即照數填給執照准其前  
 赴該口呈驗俾免重徵茲據 國商人 稟報後  
 開貨物前經完納稅課今將原貨裝載 國第  
 號商船名 運往 口售賣當經查驗貨物  
 相符合行發給免重徵執照准裝後開貨物運赴該口  
 呈照驗明照貨相符其起貨售賣免其重徵須至免重  
 徵執照者

計 開

此貨前由 號 船進口完過稅銀



中華民國 年 月 日給限至 關口繳 商 收執

第十五

中華銀行 (地 某) 今存到 (某某)寶號 件每月棧租 元正 本銀行堆貨簡章載明於後 中華民國 年 月 日(某某)銀行印 經理或執事人印

第十六

(某) 今由 第 號

單 棧 (某) 寶號堆存 自堆之後棧租每件首月計 元 件整 餘者按月 元該貨倘有霉爛潮溼鼠咬輕耗破 壞等情概與本棧無涉保險歸 貴客自理此據 中華民國 年 月 日

第十七

券約預司公 本公司現出某貨約在某年某月出貨今由 某某先生交到預約半價洋 元正除限至 某年某月杪出貨時交清半價取貨外給此為據 中華民國 某 年 某 月 日某某公司 第 號



第十八

上海  
中國銀行  
特別存單

今收到江蘇省人  
交來銀元捌百元  
收入救國儲金  
戶訂明存足六個月以長年四釐計息此款  
到期如經中華救國儲金團總事務所議決  
應仍歸本人提還者即憑此存單取回本息  
如經中華救國儲金團總事務所議決不歸  
本人提還撥作指定用途者本行即照議決  
辦法辦理此項存單即應作為無效此據  
民國四年四月九日

第十九

某某公司股票

本公司定名 專營 之貿易照(有限無限  
兩合或股份兩合)公司組織呈請  
農商部註冊股本總額計共 銀  
元分作 股每股 元今收到  
名下股銀共 元計 股自第  
起至第 號止合給股票為憑須至股票者  
右共 股 年 月 日起息 號

董事 印  
總理 印  
協理 印

中華民國 年 月 日給  
字第 號



第二十

股東 計 股如開會之時不能到場即囑託  
先生為代表人一切會議事務均由代表人議決  
此布  
再代表人如亦不能到場即轉託代表人所委之人代  
理

公司 台鑒

股東

圖章

中華民國 年 月 日

(代表人到會以囑託書為憑但以本公司之股東為  
限)

附編

禁止閑人 閑人免進 嚴禁開放 衙門重地禁止擅  
進 牆上禁貼告白 免敲門戶 謝辭訪客 不准放  
車 無門票者免進 禁止通行 須靠左邊行走 小  
心火車 禁止喫煙 君子自重 不准倚靠柵欄 禁  
止喧擾 吉房招租 言無二價 現賣不賒 敝櫃概  
不零售 減價出售 本日謹逢國慶日歇業 每逢星  
期日歇閉 禁止橫臥 禁止赤背 不准投棄塵芥  
不准手觸物品 一經交貨不認退換 從此以北嚴禁  
圖畫攝影倘敢犯按法究治 不准拴繫牲口 旅客  
宜由橋上來往 不准穿過路綫 購票者宜須魚貫而



進不得爭先擅進 特有紅票者宜進南門 專供公衆  
 縱覽不取分文 觀客勿用花紅 宜脫雨衣 衣冠不  
 整者免進 攜帶物貴客自管 移住對面房內營業  
 禁止擅折草木 禁止擅登土壩

支那時文一斑終

大正十年四月十一日印刷  
 大正十年四月十五日發行

支那時文一斑

定價金壹圓五拾錢

著者權所有

編者 宮原民平

發行者 田中慶太郎

印刷者 加藤保

印刷所 文明社印刷所


發行所

東京市本郷區本郷一丁目六番地  
 文求堂書店

長電話小石川四八〇番  
 新替口座東京二一八番



322  
77





終

